

Guangjsih Minzczuz Bau

ganhhau: CN45-0036 B.2014 Nd.5 Ng.7 liggaueq gyapngux nienz ndwenseiq cogouj

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3122期

Nazboh Yen Minzczuzgiz Caemh Aeu Lai Hangh Cosih Guh Ndei Hong Saujsu Minzczuz

那坡县民族局多措并举做好少数民族群众工作

Daj bineix daeuj, Nazboh Yen Minzczuzgiz giethab guh dangj raeuz ginzung lusen sizcen hozdung, caemh aeu lai hangh cosih, guh ndei hong saujsu minzczuz, henhoh le gij gienzleih habfap saujsu minzczuz.

It dwg aeu sim ciepdaih doenghboux saujsu minzczuz. Doiq doenghboux saujsu minzczuz lwnh

cingzgvang roxnaeuz heuh gaijgez vwndiz de, cungj aeu sim doiqdaih. Ngeih dwg caeug doenghboux saujsu minzczuz ganggoj gyausim, guhdaengz gangjavah haeuj rwz haeuj sim, doxgyau ndaej ndei. Sam dwg cienzmienh roxyiuj cingzgvang, ndei ndei gaijgez vwndiz. Seiq dwg lawh ndang naemjngeix. Couhdwg dawz shwgeij

dang doenghboux saujsu minzczuz, lumjbaenz lawh ndang naemjngeix vwndiz. Haj dwg yawjnaek doxdoeng gaijgez. Cimdoi vwndiz, cizgiz caeug mizgven bumwnz, danhvei lienzhaeh, doengzseiz caeug doenghboux lwnh cingzgvang de doxdoeng, aeu guh-daengz yigen doxdoengz dwk gaijgez vwndiz cij sat lo. (Hij Dwzhoz)

SIUSIK DINJ

简讯

● Bineix geiqdoh daih'it, Denhdwngj Yen minzczuz mouyi giyez gunghcoz guh ndaej ndei. Aen yienh neix Gvangjsih Vazdenhbauj Yozyez Youjhan Gunghswh daengj 5 aen minzczuz mouyi giyez ndaej daigvanj 10730.2 fanh maenz, doengzbeij gyahwnj 68.55%, sinhbau banh gij daigvanj boujdiep leihsik de 77.15 fanh maenz, doengzbeij gyahwnj 1.17 boix.

(Vangz Souciz)

● Vih hawj gij vwnzva conzdungj minzczuz yaek laemz de ndaej henhoh, bineix 1 nyied, Yungfuz Yen heij guh le "aen giva henhoh singyaem nem dozsiengq vwnzva conzdungj minzczuz". Dangqnaj, aen giva neix guh ndaej swnhleih, hong diucaz gaenq guhsat, gaenq haeuj duenh ingiguh lo.

(Dangz Gingfuj)

● Daengz bineix 3 nyied, Lingzyinz Yen gaenq miz 18 aen cunh youz saujsu minzczuz comzyouq de hwnj miz laeuzvwnzva, ciemq daengx yienh gij cunh saujsu minzczuz comzyouq de 60.3% . Gij vwnzva sezsih neix hawj vnz saujsu minzczuz ndaej souh'ik.

(Veiz Vazfuz)

● Geij ngoenz gonq, Bingzgoj Yen banh 2014 nienz daih'it geiz makfeiz dajndaem guenjieix beizyinbanh, 29 boux dajndaem makfeiz daj 29 aen mbanj gungzhoj saujsu minzczuz daeuj camgya beizyin.

(Vuz Anhginh)

● 4 nyied 24 hauh daengz 25 hauh, Cungzcoj Si Minz-yijvej youq Cungzcoj Si Dangjyau gawjbanh daengx si minzczuz hidungj daengxcungq ganbu beizyinbanh. Gungh miz 60 lai boux lingjdauj ganbu daj ndaw si neix 7 aen yienh(si) gak minzczuzgiz (minzyijban) daeuj de camgya le beizyin.

(Vangz Danh)

Yinhcwngz: Mbanj Bouxcuengh Doxdax Dijyuz Ndawbiengz Mizyxinx Raixcaix

忻城：壮乡民俗竞技趣味横生



4 nyied 29 hauh banhaet, 2014 nienz mbanj Bouxcuengh bouxcoz doxdax dijyuz minzczuz youq Yinhcwngz Yen ndaw Yaz Mozdujshw gwnz diegdangz lienhbng gawjhengz. "Haizgieg beij vaiq", "ram giuhva", "dik lwg-gienh", "dwk lwg-gyangq" daengj gij dijyuz minzczuz bonj miz de faenfaen gawjhengz, gungh miz 150 lai boux senjsouj daj aen yienh neix gak yanghcin, gak danhvei daeuj de camgya doxdax. Gij doxdax neix mizyxinx raixcaix, bouxyawj cungj youh riu youh hemq. Ndaw doz dwg ram giuhva doxdax.

(Fanz Hozdungh ingi)

Lozcwngz: Onjbouh Doihaeuj Lajmbanj Goengloh Gensez

罗城：稳步推进农村公路建设

Gaenh bi daeuj, Lozcwngz Mulajucz Swciyen mboujduenh gyarengz onjbouh doihaeuj gensez goengloh lajmbanj. Ciuq cam rox, bi-gvaq, aen yienh neix roengz 5456 fanh maenz, guhbaenz 14 diuz 81.4 goengleix roensuijniz doeng mbanj. Daengz dangqnaj, daengx yienh 103 aen mbanj doeng roensuijniz, gungh raez 208.57 goengleix. Goengloh guh doh 11 aen yangh(cin) 92 aen cunh,

giz vat gvang hung, lijyouz gingjdenj daengj, gihbwnj guhbaenz aen gyauhdungh vangjloz "hung'iq dox-boiq, seiqcawq doxdoeng".

"Bineix, caenh'itbouh comz ndei cienzngeanz guh roen lajmbanj, hawj gij cunh doeng goengloh seiq gaep de ciemq daengz 90% doxhwnj, gij cunh doeng roensuijniz de ciemq daengz 95% doxhwnj, gij mbanj doeng goengloh mbanj gaep de ciemq daengz

85% doxhwnj." Aen yienh neix boux yencangj Yinz Banghgwz naeuz, bineix aeu haenqrengz doihaeuj gyauhdungh hanghmoeg hung gensez, aeu guhbaenz diuz goengloh ngeih gaep daj Lozcwngz daengz Liujcwngz (duenh Lozcwngz) de, diuz roenzsuijniz daj Vaizginz Dungh'anh daengz Yizcouh Siengzvei daengj, mboujduenh gyavaiq guh roensuijniz doeng mbanj nem goengloh mbanj gaep. (Liu Gvanghfuz)